

ad effectum. quecumque persona ordinis contrarium fecerit quoquo modo, ipsam excommunicat in hiis scriptis et quecumque persone ordinis in hoc culpabiles invente fuerint, a domo propria amittantur non, nisi per ipsum capitulum, reversure. . . .

1304. Statuta sunt hec apud Cystercium in capitulo generali: inprimis, cum propter novitates seu novas adinvenciones hystoriarum novarum aliquorum sanctorum et novarum culturarum^a deformitas in cultu divino in ordine oriri videatur, generale capitulum omnes diffinitiones super premissis a decem annis et infra editas revocat et denunciat de cetero nullas esse, sed quoad hec modus antiquus totaliter observetur. Conceditur tamen illis, in quarum monasteriis corpora sanctorum requiescunt, ut in festis eorum propriis hystoriis et illi de regno Francie in festo beati Ludwici eius propria hystoria possint uti. . . .¹

1306 . . Cum plurimorum querulosis vocibus super defectu studii Parisiensis generale capitulum fuerit pluries excitatum, idem capitulum considerans, quod ex laudabili ipsius reformatione totus ordo claris laudibus suscipit incrementa, domino Cysterciensi, Clarevallensi abbatibus committit, ut personaliter accedant ad locum, ibidem ordinent, puniant et reforment, prout honori et universitati ordinis viderint expedire. . .

1307 . . Peticio domini vicecancellarii domini pape, qui petit quod in missa conventuali in singulis nostri ordinis monasteriis cottidie pro subsidio terre sancte Psalmus (78, 1) Deus venerunt gentes cum usitata collecta dicatur, pro domini pape reverencia exauditur.

Dispersio² conventuum Bohemie domino patri abbati de Ebraco committitur in plenaria ordinis potestate.

Item, abbatibus de Bohemia, de Austria et Bawaria qui in ipso capitulo fuerunt, concessum est semel a capitulo remanere. . .

a) Cod.: colavarum (sic).

1) Die Heiligsprechung Ludwigs IX. erfolgte am 11. August 1297 schon während des Kampfes zwischen Philipp IV. und Papst Bonifaz VIII. Auch die finanziellen Vergünstigungen Frankreichs seitens der Kurie gehen in diese Zeit und Verhältnisse zurück. 2) Ob diese Zerstreuung mit der schlimmen Lage der Klöster zusammenhängt, von der die Königs-saaler Geschichtsquellen S. 279 berichten?